


ph



BAIL GENERAL

FAICT PAR LE ROY

ET NOSSEIGNEURS DE SON

Conseil à Maistre Mathieu Brabant de tou-

tes les Aydes de France, pour sept années,

Commencans au premier iour d'Auril mil six
cent trente-deux.

*Verifié es Chambres des Comptes & Cours
des Aydes.*

9 piece



A P A R I S,

Par P. METTAYER, Imprimeur ordinaire
du Roy.

M. DCXXXII.

Case

F

39

326

1632

THE NEWBERRY
LIBRARY

218A

M. DCC. XXII



NOVIS PAR LA GRACE DE
DIEV ROY DE FRANCE ET
DE NAVARRE, A tous ceux qui
ces presentes lettres verront, Salut.
Nous auons receu de grandes plain-
tes des foulles que souffrent nos subiets en la leuée
des droicts que nous auons esté contrains par la ne-
cessité de nos affaires d'attribuer aux Offices de
Courtiers, Greffier des Desprix des vins & laugeurs,
par nos Edicts des mois de Feurier mil six cens vingt
sept, Ianuier mil six cens vingt-neuf, & Declaration
du vingt-septième Mars audit an, & l'Imposition de
dix sols qui se leuent sur chacun muid de vin entrât
en toutes les Villes & Bourgs de ce Royaume, en
consequence de la Declaration du quinzième Ian-
uier de ladite année mil six cens vingt-neuf : Et en
outre que les droicts de huietième que nous prenōs
sur les vins vendus en destail, s'estans leuez iusques
à present sur les Inuentaires & papiers des exerci-
ces des Commissaires ou Commis ayans serment en
Iustice, & sur les declarations des Vendans vin : La
forme de ladite leuée n'apporte pas moins de vexa-

4

tion à nosdits sujets, par le grand nombre de pro-
cez qui sont d'ordinaire entr'eux & nos Fermiers,
tant à cause des frauduleuses declarations que font
les vendans vins pour se descharger du payement
desdits droicts, que pour les dechets, lyes, coula-
ges & remplages par eux pretendus, en sorte que
les vns & les autres en demeurent bien souuent
ruinez, au moyen dequoy & de la surcharge du
payement desdits droicts de Desprix, lauge, Cour-
tage, & dix sols d'entrée, la leuée des droicts de la
Ferme generale de nos Aydes en demeure tellemēt
diminuée, que tous les soubz-fermiers de Maistre
Estienne Brioyz nostre Conseiller & Secretaire ad-
iudicataire general d'icelle, se sont pourueus en no-
stre Cour des Aydes de Paris, pour auoir de grandes
diminutions & estre deschargez de leurs baux, en
laquelle ils ont obtenu plusieurs Arrests & sursean-
ces de payemens de partie du prix des baux desdits
soubz-fermiers: Ce qui retarde le secours que nous
esperions des deniers que nous auons accoustumé
de receuoir de ladite ferme, & pourroit à l'aduenir
grandement diminuer le prix d'icelle. Lesquelles
plaintes ayant fait considerer en nostre Conseil,
Nous auons estimé que le plus prompt moyen d'y
pouruoir pour soulager nos sujets, seroit par la
suppression desdits Offices de Greffiers de Desprix,
Courtiers de vin & laugeurs, & extinction des
droicts à eux attribuez, ensemble des dix sols d'en-

trée ordonnez estre leuez par la Declaration dudit iour quinzième Ianuier mil six cens vingt-neuf, fors & excepté les dix sols qui se leuēt sur chacun muid de vin entrant en nostre bonne Ville & Fauxbourgs de Paris, que nous auons affectez à partie de la despence qu'il conuient faire pour la confection d'un canal & closture des Fauxbourgs S. Honoré, S. Denis & Montmartre, & regler pour l'aduenir la leuée dudit droict de Huietième de vin vendu en destail à quatre liures pour chacun muid de vin jauge de Paris, & autres vaisseaux à l'equipolent qui sera vendu à pot & sans assiette, & à cent sols pour chacun muid de vin jauge susdit, qui sera vendu en assiette, Hostellerie ou Cabaret: Surquoy Maistre Mathieu Brabant se feroit présenté, qui nous auroit offert, que s'il nous plaisoit supprimer lesdits Offices de Greffiers de Desprix, Jaugeurs & Courtiers, esteindre les droicts à eux attribuez, ensemble lesdits dix sols d'entrée, rembourser comptant les Acquereurs desdits droicts, & luy accorder la faculté de leuer ledit droict de Huietième sur le Vin vendu en destail, aux prix & conditions cy-deuant mentionnez, de quatre liures pour chacun muid de Vin, qui sera vendu à pot & sans assiette, & cent sols pour chacun muid de Vin vendu en assiette, Hostellerie ou Cabaret, sans que sur lesdites sommes les vendans Vin puissent pretendre aucunes deductions pour le dechet des boissens, lyes, cou-

lages & remplissages, pendant le temps de sept années prochaines & consecutiues, A commencer du premier iour d'Auril prochain, luy permettre de rembourser les propriétaires des Aydes alienées en 1619. & reuendues en 1621. pour iouyr d'icelles apres ledit remboursement actuel, conformément au present reiglement, sans qu'il en puisse estre depossédé pendant le temps de sept années, sous quelque pretexte que ce soit, ny apres icelles expirées qu'en le remboursant comptant & en vn seul & actuel payement de la finance qu'il aura payée, frais & loyaux cousts. Comme aussi de rembourser les Receueurs & Payeurs des rentes de ceste Ville de Paris, assignées sur ladite ferme de la finance par eux payée pour l'acquisition desdits Offices, pour iouyr d'iceux par ledit Brabant, sans que nous puissions creer aucuns nouueaux Offices de Receueurs & Payeurs des nouuelles rentes, sous quelque pretexte que ce soit, ny les deposseder pendant ledit temps de sept années ny apres icelles, qu'en remboursant comptant le prix qu'il en aura payé ausdits Receueurs & Payeurs desdites rentes. Et pour faire cesser les grands abus que les priuilegiez commettent à la vente de leurs Vins, au prejudice de nos droicts, & maintenir ceux qui n'en abusent point dans le legitime vsage de leurs priuileges, ordonner qu'ils pourront vendre en gros tout le Vin de leur creu durant l'année entiere, sans payer au-

cune chose, comme aussi en detail & sans assiette dans leurs maisons, exempts du payement de nos droicts, pendant les mois d'Auril, May, & Iuin, Octobre, Nouembre & Decembre de chacune année seulement: Et pour tout le Vin qu'ils vendront en detail hors lesdits six mois, qu'ils en payeront les droicts comme les autres vendans Vin, & luy faire Bail de la ferme generale des Aydes, ensemble de la ferme de la Ville & Eslection de la Rochelle, aux conditions cy-dessus & autres contenues aux baux generaux desdits Aydes pour sept années prochaines & consecutiues, qui commenceront le premier iour d'Auril prochain, & qui finiront le dernier Mars 1639. avec faculté de deposser d'icelles ledit Brioy & tous ses sous-fermiers, mesme le Fermier de la Ville & Eslection de la Rochelle, & augmenter le prix qu'en paye à present ledit Brioy, de la somme de Six cens cinquante mil liures par chacun an, & outre payer annuellement pendant ledit temps, le mesme prix qu'en paye à present ledit Fermier de la Rochelle; Aduancera six cens cinquante mil liures, sçauoir Trois cens vingt-cinq mil liures quinze iours après la verification pure & simple dudit Bail en la Cour des Aydes, & les Trois cens vingt-cinq mil liures restans dans la fin du mois d'Auril prochain, pour s'en rembourser avec l'interest esgalement par les quatre quartiers de ladite premiere année dudit

Bail, Receura à compter ledit Brioyz comme de Clerc à Maistre de la iouyffance de ladite ferme, & luy donnera la somme de Trois cens mil liures pour le desdommagement qu'il pourroit pretendre à cause de sa depossession, donnera Trois cens mil liures pour desdōmager tous lesdits soubz-fermiers, tant des pertes par eux pretenduës, que depossessiō de leurs baux, à departir entr'eux suiuant l'estat qui en fera dressé & arresté en nostre Conseil: Et receura à compter comme de Clerc à Maistre, Maistre Pierre Desmarests & ses cautions du Bail à luy fait le 27. Mars dernier, des Fermes des gros & huietième de Paris, dix sols des Aydes, Pastel, Gueldre & Garence, & luy donnera pour son desdommagement la somme de Trente mil liures, outre & par dessus les Trois cens mil liures: A la charge que si auparauant ledit iour premier Aueil prochain, aucun se presente pour faire enchere, il n'y pourra estre receu qu'en la faisant aux conditiōs des presētes offres, & de la somme de Cent mil liures par an par dessus icelles, A la charge d'entretenir tous les baux qui se trouueront auoir esté faits apres la verification du present Bail, & en remboursant comptant ledit Brabant de ses aduances, & interests d'icelles, & luy payant comptant la somme de Cent mil liures pour son desdommagement, & ledit temps passé aucune enchere ne pourra estre receuë, ny ledit Brabant depossédé de ladite Ferme, pour
quelque

quelque cause & pretexte que ce soit. Lesquelles offres ayant esté veuës & examinées en nostre Conseil & iugées iustes & raisonnables, & à nous grandement aduantageuses, Nous auons trouué expedient pour le bien de nostre seruice de les accepter, & de faire Bail de ladite Ferme generale des Aydes audit Brabant, aux conditions susdites, & autres portées par le precedent Bail de ladite Ferme. NOVS A CES CAUSES, & de l'aduis de nostre Conseil, auons audit Brabant baillé & adiugé, baillōs & adiugeons par ces presentes ladite Ferme generale de tous nos Aydes & impositions anciennes, qui se leuent sur toutes sortes de marchandises & denrées vendues en gros & en destail, soit qu'elles restent en nos mains des Villes & Communautéz, ou possédées par aucuns particuliers nommées & appellées, le Gros, Vingtième, Douzième, Dixième, Huietième, Quatrième, Entrées, Passages, Issuës des Villes, sur le Vin, Cidre, Biere, Ceruoise, & sur toutes autres sortes de breuuages, & impositions de Pied-fourché, Poisson de mer frais & fallé; l'imposition du bois à brusler, bastir, marain, ouuré & à ouurer; l'imposition du Pastel, & Garence; l'imposition des alluns; l'imposition de la batterie, cuire & feronnerie, acier, estain, plomb; l'imposition des drogueries, huyle, sucre, espiceries, cires, graisses, cuirs, toilles, merceries, laines, drapperie; & generalement sur toutes autres sortes de

denrées & marchandises subiectes à payer lesdits Aydes & impositions en tous les lieux & endroicts où elles se leuent, sont, ou doiuent estre assises, imposées & leuées, tant celles qui estoient cy-deuant alienées. & depuis engagées, que de celles qui estoient en nos mains; Mesme la Ferme de la Ville & Eslection de la Rochelle, cy-deuant adiugée à Estienne Ferry, à la reserue & distraction des imposts & billots de Bretagne. Le tout suiuant & ainsi qu'il est déclaré & spécifié par les precedes baux faits tant à feu M^e. Jean de Moisset, Denis Feydeau, que M^e. Antoine Feydeau, Pierre Payē, Philippe Guerin, Guillaume Menāt, & M^e. Estienne Brioy, pour iouir par ledit Brabant desdits droicts & impositions durant sept années consecutiues, qui commenceront le premier Aueil prochain, aux conditions susdites, tout ainsi qu'en ont bien & deuement iouy, ou deu iouyr lesdits Moisset, Feydeau, Payen, Guerin, Menant & Brioy, aux reseruations déclarées par les precedens baux desdits Moisset, Feydeau, Menant & Brioy, & Arrest de nostredit Conseil, & sans qu'à l'occasion des choses tant retranchées desdits baux par Arrest de nostredit Conseil, que de celles dont lesdits Feydeau, Payen, Guerin, Menant & Brioy ne sont encore entrez en iouyffance, & reglemens faits sur ladite Ferme en execution & interpretation dudit Bail, ledit Brabant puisse demander à l'aduenir aucun rabais ny diminution, à la charge

que si auparavant ledit iour premier Aupil prochain aucun se presente pour faire enchere, il n'y pourra estre receu qu'en le faisant sur les mesmes conditions, & de Cent mil liures par an, par dessus les offres dudit Brabant, & à condition d'entretenir tous les fouds-baux qui se trouueront pour lors auoir esté par luy fait apres la verification du present Bail, & de le rembourser de ses aduances & interests d'icelles, & luy payer comptant la somme de Cent mil liures pour son desdommagement, & ledit temps passé aucune enchere ne pourra estre receuë, ny ledit Brabant depossédé de ladite Ferme, pour quelque cause & fouds pretexte que ce soit, & aux autres conditions cy-apres declarées.

A S S C A V O I R.

I.

Que tous les Offices de Courtiers, Greffier des Desprix de Vins, & Iaugeurs creéz par nos Edicts des mois de Feurier 1627. Ianuier 1629. & Declaration du 27, Mars auditan, demeureront supprimez, & les droicts à eux attribuez esteints, ensemble les dix sols de nouuelle imposition, ordonnez estre leuez par Declararion du quinziesme Ianuier audit an 1629. sur chacun muid de Vin, & autres vaisseaux à l'equipollent entrans en toutes les Villes, Bourgs & Bourgades, à commencer audit premier iour.

d'Auril, sans que cy apres ils puissent estre restablis pour quelque cause, & sous quelque pretexte que ce soit, fors & excepté les dix sols qui se leuent sur chacun muid de Vin entrant en nostre bonne Ville & fauxbourgs de Paris, que nous auons affectez à partie de la despence qu'il nous conuient faire pour la confection du Canal & closture des Fauxbourgs S. Honoré, S. Denis, Montmartre, & autres que nous faisons pour l'vtilité d'icelles, & à cest effect que toutes lettres & declarations necessaires seront enuoyées en nostredite Cour des Aydes.

I I.

Que dans trois mois, à commencer dudit iour premier Auril, il sera par nous fait le fonds necessaire pour le remboursement de la finance payée par les proprietaires desdits Offices de Greffiers de Des-prix, Iaugeurs & Courtiers, frais & loyaux cousts, pendant lesquels ils feront proceder à la liquidatiō d'icelle par Commissaires qui seront à cest effet par nous deputez, & iusques à l'actuel remboursement qu'ils seront payez de ce à quoy monte le re-uenue de leursdits Offices sur le pied du denier douze de leur finance des deniers de nostre Ferme generale des Aydes, dont il sera distraict Deux cens cinquante mil liures par chacun an, pour en estre fait constitution de rente, & les deniers en prouenant employez au remboursement des acquareurs desdits droicts.

III.

Peurra ledit Brabant & ses soubz-fermiers prendre & leuer dans l'estenduë de la Ville & generalité de Paris, Quatre liures pour chacun muid de Vin, jauge de Paris, & autres vaisseaux à l'equipollent, qui sera vendu à pot & sans assiette, & Cent sols pour chacun muid de Vin qui sera vendu en assiette, Hostellerie & Cabaret ausquelles sommes nous auons reiglé & liquidé, reiglons & liquidons par ces presentes ledit droict de Huietième du Vin, sans que sur lesdites sommes les vendans vin puissent pretendre aucune deduction pour les dechets, boiffons, lyes, remplages, & coulages. Comme aussi pourra ledit Brabant & ses soubz-fermiers leuer ledit droict de Quatre liures & Cent sols en la forme susdite en toutes les autres Generalitez du ressort de nostredite Cour des Aydes de Paris, où se leue à present ledit droict de Huietième.

IIII.

Et pour euitier aux fraudes que les Hostelliers ou Cabaretiers pourroient commettre, soubz pre-
texte de vendre partie de leurs vins en assiette, & l'autre à pot, Nous ordonnons que tout le vin de celuy qui vendra en assiette & à pot, soit reputé vendu en assiette, & subiet au payement du droict de Cent sols, suiuant le rapport qui en sera fait par les Commissaires des Caues ou Commis ayant serment en Iustice.

Et pour faire cesser les grands abus que les priuilegiez commettent à la vente de leurs Vins, au prejudice de nos droicts, & maintenir ceux qui n'en abusent dans le legitime vsage de leurs priuileges, Nous ordonnons qu'ils pourront vendre en gros tout le Vin de leur creu, durant l'année entiere exempt du payement du fol pour liure : Comme aussi en destail & sans assiette en leurs maisons, exempts du payement de nos droicts, pendant les mois d'Auril, May, Iuin, Octobre, Nouembre & Decembre de chacune année seulement, & pour tout le Vin & autres boissons qu'ils vendront en destail, hors ledit temps de six mois, en quelque forte & maniere que ce soit, qu'ils en payeront les droicts comme les autres vendans Vin.

V I.

Pourra ledit Brabant deposseder ledit Brioy de ladite Ferme generale des Aydes, ensemble tous les soubz-fermiers. Comme aussi le Fermier de ladite Ville & Eslection de la Rochelle audit iour premier Auril, du temps qui reste à expirer de leurs baux, A la charge de receuoir à compter ledit Brioy comme de Clerc à Maistre, de la iouyssance de ladite Ferme, & luy donnera la somme de Trois cens mil liures, à laquelle nous auons liquidé ledit desdommagement qu'il pourroit pretendre à cause de sa depossession; & outre lesdites sommes, la som-

me de Trois cens mil liures pour le desdommagement de tous les Soubs-fermiers dudit Brioy, & de celuy de la Rochelle, des pertes par eux pretenduës & depossession de leurs baux à departir entr'eux, suiuant l'estat qui en sera dressé & arresté en nostre Conseil. Et recepura à compter comme de Clerc à Maistre Pierre Desmarests & ses cautions du Bail à luy fait le 27. Mars dernier, des Fermes du gros & huietième de Paris, Dix fols des Aydes, Pastel, Guel-dre & Garence, & luy donnera pour son desdommagement la somme de Trente mil liures, à laquelle nous auons réglé ledit desdommagement; le tout sans diminution desdits Trois cens mil liures cy-dessus.

V I I.

Les Tresoriers de France, Preuost des Marchands, Esleus & autres Iuges & Officiers, ne pourront s'entremettre au bail à ferme desdites Aydes, ny prendre aucune cognoissance, disposer & ordonner des choses dependantes d'iceluy, s'ils n'en sont requis par ledit Brabant, ny donner aucunes surseances, sur peine de tous despens, dommages & interests.

V I I I.

Deffendons à tous Gouverneurs, Seigneurs & Gentils-hommes de prendre ou faire prendre directement ou indirectement par quelques personnes que ce soit, aucuns de nos droicts d'Aydes, ny per-

mettre de vendre ou faire vendre aucunes boissons soit en gros ou en destail par leurs Seruiteurs, Fermiers, Soldats, ou autres personnes qu'ils pourroient interposer, ny vser de menaces & voyes de fait enuers nos subjects. Comme pareillement de prendre ou faire prendre aucunes pensions ou gratifications de nosdits Fermiers, soit volontairement ou autrement, sur peine d'estre descheus du tiltre de Noblesse, & tenus de tous despens, dommages & interests desdits Fermiers: Ce qui sera declaré & fait asçauoir, par la publication de nos Fermes, mesmes aux Profnes des Paroisses.

I X.

Moyennant la libre iouyssance de tout ce que dessus, & des assignations qui luy seront baillées, comme il a esté fait pendant les années du precedent Bail; à cause du payement des rentes par nous deuës, & non assignées sur lesdites Aydes, ledit Brabant payera trois quartiers de toutes les rentes qui estoient legitimement deuës lors du Bail desdits Aydes faict audit Moisset, constituées à nostre-dite Ville de Paris, sur lesdits Aydes equiuallens & grosses fermes, ainsi qu'il est porté par le susdit precedent bail de quartier en quartier esgalement pendant lesdites sept années és mains desdits Payeurs des rentes; ensemble les autres rentes constituées & assignées sur lesdits Aydes és generalitez & Elections ou ladite Ferme a lieu pour trois quartiers
seule-

seulement par chacune desdites sept années, suivant les Arrests de nostre Conseil, & lettres patentes du 27. Iuillet 1610. & Arrests de nostreditte Chambre des Comptes du cinquième iour d'Aoust ensuiuant, excepté celles de Normandie qu'il payera ainsi & pour les mesmes termes qu'elles ont esté payez pendant lesdits precedens baux, suivant les Arrests de nostredit Conseil: Et outre payera ledit Brabant les Dix mil liures de gaiges attribuez à chacun des Offices de Payeurs des rentes de l'Hostel de Ville de Paris, assignées sur lesdits Aydes, espices & façon de leurs comptes, le tout sans diminution du prix de ladite Ferme, Et pourra ledit Brabant rembourser les Receueurs & Payeurs desdites rentes de la finance par eux payée pour l'acquisition desdits Offices, En quoy faisant il iouyra des gaiges & droicts attribuez par leur Edict de creation, sans que nous puissions créer aucuns nouveaux Offices de Receueurs & Payeurs des nouvelles rentes, sous quelque pretexte que ce soit, ny deposseder ledit Brabant desdits Offices pendant ledit temps du present bail, ny apres iceluy, qu'en le remboursant du prix qu'il auroit payé aux Receueurs & Payeurs desdites rentes.

X.

Et quant aux particuliers qui possèdent à present aucunes desdites Aydes, & en iouyssent par leurs mains, ou ledit Feydeau & ses ayans causes,

C

pour les auoir remboursez, iceluy Brabant s'uyuāt la permission que nous luy en auons donnée, en pourra iouyr si faire le veut, en payant ausdits particuliers non depossedez la rente au denier douze de la finance qu'ils verifient en nostre Conseil & Chambre des Comptes auoir payée actuellement en nos Coffres, si mieux il n'aime les rembourser de ladite finance, verification comme dit est prealablement faite en nostredit Conseil & Chambre des Comptes, Moyennant lequel remboursement demeurera ledit Brabant possesseur desdites Aydes, sans qu'il en puisse estre depossedeé durant le temps du present bail, pour quelque cause & occasion que ce soit, ny apres iceluy, sinon en le remboursant comptant & en vn seul & actuel payement de la finance qu'il aura payée, pour laquelle il les aura acquises.

X I.

Comme aussi luy permettons de rembourser les proprietaires des Aydes alienées en 1619. & reuendus en 1621 pour iouyr d'icelles apres l'actuel remboursement, conformément audit reiglement, sans qu'il en puisse estre depossedeé pendant le temps du present bail, sous quelque pretexte que ce soit, ny apres iceluy expiré qu'en le remboursant comptant en vn seul & actuel payement de la finance qu'il aura payée, frais & loyaux cousts.

X I I.

Payera de quartier en quartier ez mains des Receueurs particuliers des Aydes , en chacune Election où ladite Ferme a lieu, le fonds necessaire pour les gaiges deubs lors du Bail dudit Moisset, & autres Fermiers suiuan, assignez sur lesdits Aydes, les pensions & octroys, ensemble le fonds des espices de la reddition de leurs Comptes & autres charges si aucunes sont deuës, aussi sans diminution du prix de ladite Ferme, excepté toutes les charges assignées sur les impôts & billots de Bretagne , dont il ne payera aucune chose, attendu la iouyssance d'iceux delaissez aux Estats dudit pays de Bretagne, & celles dont nous deuons demeurer quittes & deschargez.

X I I I.

Iouyra ledit Brabant des Offices d'anciens Clercs, Commissaires & Controlleurs desdits Aydes remboursez par ledit Feydeau, Et pourra ledit Brabant rembourser ceux qui n'ont esté remboursez, lesquels sont establis és lieux où il iouyst desdits Aydes , pour quelque effect ou cause qu'ils ayent esté creez & establis de la finance qu'ils verifient auoir payée , nonobstant les Arrests obtenus au contraire par lesdits Clercs Commissaires, si mieux ledit Brabant n'ayme leur payer leurs droicts sans exercer lesdits Offices, à son choix & option, & sans que nous en puissions establir de nouueaux, sous quelque pretexte que ce soit, durant le temps du

du present Bail, pendant lequel nous permettons audit Brabant & ses soubz-fermiers d'establiſſir tels Commis que bon leur ſemblera pour l'exercice deſdites Fermes, en leur faiſant preſter le ſerment pardeuant les Eſleus, à la charge qu'ils en demeureront reſponſables ciuilement.

X I I I I.

Si on reſuſoit leuer leſdits Aydes & impositions laiſſées audit Brabant par le present Bail, ou qu'il fuſt empesché en la recepte d'icelle par nous ou nos Officiers, pourueu que ce ſoit choſe à nous deuë & accouſtumée eſtre payée, tant à nos Receueurs generaux, que Fermiers precedens, le fuſdit bail dudict Moiffet, luy ſera pourueu d'expeditionſ neceſſaires pour le faire iouyr.

X V.

Pourra ledit Brabant aſſocier qui bon luy ſemblera au present bail, ſoit Nobles, Officiers comptables, ou autres, ſauf & reſerué les Treſoriers de France & Eſleus, ſans que pour ce leſdits Nobles deſrogent à leur nobleſſe, & leſdits Officiers encourrent la rigueur de nos Ordonnances, dont nous les auons diſpenſez pour ce regard.

X V I,

Pourra auſſi ledit Brabant ceder & transporter le present bail, ou partie d'iceluy, ſoit par Eſlectionſ, Eueſchez ou Generalitez, à telles perſonnes, charges & conditions que bon luy ſemblera, demeu-

rant neantmoins ledit Brabant obligé pour le tout.

X V I I.

Venant ledit Brabant à deceder durant le temps desdites sept années, ses heritiers & associez paracheueront ledit Contract ainsi qu'il eust peu faire, les Cautions demeurans tousiours chargées, & fauf à les renforcer, s'il y eschet.

X V I I I.

Les Esleus en chacune Eslection cognoistront en premiere instance des differends qui se pourront mouuoir és Eslections pour le fait des Aydes, & par appelés Cours des Aydes chacun en son ressort, en interdisant la cognoissance à tous autres Iuges. Et seront les Iugemens desdits Esleus portans condamnation du payement de nos droicts executez par prouision, nonobstant les appellations ny oppositions, & sans preiudice d'icelles aux cautions baillées par ledit Brabant pour la iouyssance de la dite Ferme.

X I X.

Si pour l'execution du present Contract, circonstances & dependances il suruenoit à l'aduenir quelques differends, soit alencontre dudit Brabant ou ses Commis, il ne se fera aucunes poursuittes pardeuant Commissaires extraordinaires, ains seulement aux Cours des Aydes ou en nostredit Conseil, si la cause y est retenüe, & ne pourront estre compris aux taxes qui seront faites pour la reuocation

des Chambres de Iustice, qui pourront estre cy-apres establies.

X X.

Ne pourra ledit Brabant estre depossédé de ladite Ferme pour quelque cause & occasion que ce soit, pendant lesdites sept années.

X X I.

Pour ce qu'il y aura à regler en ladite Ferme pour la conseruation des droicts d'icelle, toutes Lettres requises & necessaires seront expédiées audit Brabant, mesme pour faire assigner en nostredit Conseil ceux qui pretendent exemption des droicts de ladite Ferme pour apporter les priuileges, prouisions & quittances de finance, en vertu desquels ils pretendent ladite iouissance, comme aussi des euocations, tant generales que particulieres, quand il sera besoin en causes où il sera iugé raisonnable.

X X I I.

Tous arrests & reglemens rendus pendant le temps des precedens baux, ne pourront nuire ny preiudicier audit Brabant, & se pourra pourueoir contre lesdits arrests & reglemens par les voyes de droict, ainsi qu'il est permis par les precedens baux.

X X I I I.

Aduenant guerre, peste ou famine, qui apporte diminution ou perte en ladite Ferme generale, pour aucunes desdites sept années, nous promet-

tons de luy faire diminution pour ladite année
apres deuë verification faite par nos Officiers ,
qui pour ce seront par nous commis & deputez.

X X I I I I.

Et dautant que dans le ressort de nostre Cour
des Aydes de Normandie les Vins y sont conti-
nuellement chers, ce qui contraint les Hostelliers,
Cabaretiers & autres vendans Vin en destail, d'vser
de petits Cidres & Poirez pour leurs boissons & de
leurs enfans & domestiques, neantmoins on a cy-
deuant accoustumé de leur deduire le cinquième
nettement pour lesdites boissons, lyes & coulages,
qui est vne reigle bien inégale & contraire à celle
portée par nosdites lettres de Declaration du 19.
Iuillet 1625. verifiée en nostre Cour des Aydes de
Paris le vnzième Octobre ensuiuant, pour les Ge-
neralitez de Paris, Orleans, Tours, Chaalons,
Lyon, Amiens, Soissons, Moulins & Bourges, par
lesquelles ne leur a esté accordé que le
Pour à quoy remedier & garder égalité entre nos
subiets, & conseruant nostre interest & le leur,
Voulons d'oresnauant, à commencer du iour du
present Bail, que plus grande diminution ne soit
faicte ausdits vendans Vin du ressort de nostre
Cour des Aydes de Normandie pour tout dechet,
lyes, coulages & boissons de toutes sortes de breu-
uages qu'ils vendront & debiteront, que celles por-
tées par nosdites lettres de Declaration, Lesquelles

feront à cette fin enuoyées en nostredite Cour , pour estre verifiées, registrées, executées, gardées & obseruées, sans qu'il y puisse à l'aduenir estre contreuenue, en quelque sorte & maniere que ce soit.

X X V.

Et pour empescher les frauduleuses declarations que font ordinairement aucuns Tauerniers, Cabaretiers & autres vendans Vin, pour oster aux Fermiers la cognoissance au vray de la vente de leurs vins, ils le declarent à diuers prix, affirmant auoir vendu d'une mesme piece quelques pintes à vn prix, & le surplus à moins de moitié qu'ils ne l'ont vendu: Pour à quoy remedier, nous voulons que les Hostelliers, Cabaretiers & autres vendans vins en destail en l'estendue de nostredite Ferme generale, où le Quatrième se leue à present, declarent precisément aux Commissaires des Caues, ou Commis qui auront serment en Iustice, toutes les fois qu'ils feront leurs visites & descentes en leurs caues & celiers, le prix des vins par eux vendus, & de ceux qui se trouueront en perce, Aufquels Commissaires & Commis nous enjoignons de s'informer soigneusement du prix au vray de la vente desdits vins, & les rapporter en leur ame & conscience à nos Fermiers par leurs inuentaires & procez verbaux, sans s'arrester aux frauduleuses declarations qui leur pouroient estre faites par lesdits vendans

dans Vin, sur lesquels inuentaires & procez verbaux ledit Brabant & ses foubz-fermiers pourront decerner leurs contrainctes contre les redeuables desdits droicts, qui seront executées par prouision, nonobstant oppositions ou appellations quelconques: Et afin que lesdits Commissaires & Commis ne puissent abuser de leurs charges, au preiudice desdits Hostelliers, Cabaretiers, & autres vendans Vin en destail, nous voulons qu'à chacune visite ils baillent copie de leurs inuentaires & procez verbaux ausdits Hostelliers & Cabaretiers, & les interpellent de signer, & en cas qu'ils ne sçachent signer, ou qu'ils soient refusans de ce faire, sera la cause du refus inserée dans les inuentaires & procez verbaux qui feront foy, sauf l'inscription en faux, & pourront lesdits Cabaretiers & Hostelliers appeller vn Esleu, Notaire ou Sergent, pour estre present ausdites visites, & faire faire telles sommations & significations que bon leur semblera ausdits Commissaires ou Commis, le tout sans retardement desdites visites, ny du payement des droicts desdites Fermes, suiuant l'Arrest de nostre Conseil du 19. Iuillet 1631.

X X V I.

Et pour l'acceleration de nos deniers, & éuiter les longueurs de Iustice, dont il a cy-deuant esté vsé en plusieurs endroits, Voulons qu'en fin de chacun mois ou quartiers, nosdits Commissaires

D

ou Commis qui ont serment à Iustice, deliurent à nosdits Fermiers les estats certifiez d'eux, tirez & extraicts de leur Registre des vins vendus, & que sur iceux nosdits Fermiers deliurent leurs contraintes contre les denommez ausdits inuentaires, qui seront executées par prouision, nonobstant oppositions ou appellations quelconques, & sans preiudice d'icelles.

X X V I I.

Les Esleus & Officiers de nos Eslections, ne pourront prendre pour l'enregistrement du present Bail, que la somme de Douze liures parisis, suiuant l'Arrest de nostre Cour des Aydes de Paris du 25. Octobre 1625. Et pour l'enregistrement de chacun sous-bail que ledit Brabant fera, pareille somme, à peine de concussion. Et d'autant que nosdits Esleus veulent tous les ans renouveler les Commissions & les prennent des Commissaires & Commis, tout ainsi que quand nosdites Fermes se bailloient d'année en année. Ce qui tourne au grand preiudice de nos droicts, & frais pour lesdits Fermiers, d'autant que pendant le temps que lesdits Commissaires se transportent esdites Eslections, dont ils sont esloignez quelques fois de six ou sept lieues, plus ou moins, ils ne font leurs exercices, & font plusieurs frais. Pour à quoy remedier, Voulons que les Commissions qui seront vne fois deliurées aux Commissaires y desnommez, & qui auront fait le serment

en tel cas requis & accoustumé, seruent ausdits Commissaires pour l'exercice des fermes, durant le temps du present Bail, si tant ils demeurent en ladite Commission, & ne sont reuoquez.

X X V I I I.

Ledit Brabant, ses associez, officiers ou Commis & Gardes allans & venans pour les affaires & exercice de ladite ferme, pourront porter toutes sortes d'armes à feu & autres deffenciues pour la conseruation de nos droicts & seureté de leurs personnes, nonobstant toutes defenses & prohibitions au contraire, A la charge de nous bailler vn estat desdits Officiers, Commis & Gardes.

X X I X.

Moyennant toutes lesquelles conditions, & outre & par dessus les charges cy-deuant declarées, ledit Brabant payera és mains des Tresoriers de nostre Espargne par chacune desdites sept années esgalement és quatre quartiers d'icelle, & six semaines apres chacun quartier escheu, La somme de Trois millions cent trente cinq mil liures, en ce non compris ce qui doit prouenir des Aydes de la Rochelle, qui fera payé par ledit Brabant outre & par dessus ladite somme de Trois millions cent trente cinq mil liures, non compris les Trois cens mil liures du Receueur de nos Aydes engagées en l'année mil six cens dix-neuf, distraites des precedentes fermes. Et encores és mains desdits Tresor-

riers de nostre Espargne, La somme de Quatre mil vingt neuf liures dix sols six deniers, ainsi que faisoit ledit Brioy pour trois quartiers des rentes rachetées par François de Mouceau de Lyon, en execution de ses traictez, lesquelles faisoient partie des rentes constituées à l'Hostel de Ville de Paris assignées sur lesdits Aydes, & fournir par aduance ez mains du Tresorier de nostre Espargne en exercice, la Somme de Six cens cinquante mil liures, Sçauoir, Trois cens vingt-cinq mil liures quinze iours apres la verification pure & simple du present Bail, Et les Trois cens vingt-cinq mil liures restans dans le dernier du mois d'Auril prochain, pour s'en rembourser avec l'interest esgalement, par les quatre quartiers de la premiere année du present Bail.

X X X.

Sur laquelle somme de Trois millions, cent trente-cinq mil liures, seront desduites & rabatuës audit Brabant par chacune desdites sept années, les sommes qui ensuiuent, A sçauoir, Vingt mil liures pour la non-iouissance de la Douanne de Paris, Trois cens vingt-huict mil liures pour la non-iouissance des impôts & billots de Bretagne, & autres despences qui seront employées dans nos Estats, qui se font par chacune année.

X X X I.

Baillera ledit Brabant bonne & suffisante caution en la maniere accoustumée dans trois mois, &

en mettra l'acte ez mains du Secretaire de nostredit
Conseil.

X X X I I.

Promettons en bonne foy & parole de Roy auoir
& tenir pour agreable le present Bail, sans permet-
tre ny souffrir qu'il y soit contreuenue en quelque
forte & maniere que ce soit.

SI DONNONS EN MANDEMENT,
A nos Amez & Feaux Conseillers les Gens tenans
nos Cours des Aydes, Presidens, Tresoriers de
France, & Generaux de nos Finances des Genera-
litez où nosdits Aydes ont cours, & Esleus des Es-
lections ressortissantes esdites Cours, & à chacun
d'eux comme il appartiendra, que ces presentes ils
verifient & facent registrer, & du contenu en icel-
les iouyr & vser ledit Brabant plainement & paifi-
blement, sans permettre qu'il luy soit fait mis ou
donné aucun trouble ou empeschement au con-
traire. Car tel est nostre plaisir: En tesmoing de-
quoy nous auons fait mettre nostre seal à cescites
presentes. Donné à Metz, le vingt-troisieme iour
de Ianuier, l'an de grace mil six cens trente-deux. Et
de nostre regne le vingt-deuxieme. Signé, LOVIS,
& plus bas, Par le Roy, DE LOMENIE,
& seellé du grand Seau de cire jaune sur double
queuë.

Registré en la Cour des Aydes, ouyle Procureur ge-

D iij

neral du Roy, pour iouyr par ledit Brabant Adiudicataire y desnommé, de l'effect y contenu, suivant & aux charges portées par l'Arrest de ladite Cour de ce iourd'huy vingt-unième Fevrier mil six cens trente-deux.

Signé,

BOUCHER.

*EXTRAICT DES REGISTRES
de la Cour des Aydes.*



EV par la Cour les Lettres patentes du Roy en forme de Bail, données à Mets le vingttroisième Ianuier mil six cens trente-deux, signées, Louis, & plus bas, Par le Roy, Delomenie, & sceillées du grand seal de cire iaune, Par lesquelles, & pour les causes y contenues, sa Majesté a baillé & adiugé à Maistre Mathieu Brabant la Ferme generale des Aydes & Impositions qui se leuent sur toutes sortes de marchandises vendues en gros & en destail, pour en iouyr par ledit Brabant durant sept années consecutiues, qui commencerót le premier iour d'Auril prochain, Et ce moyennant la somme de Trois millions cent trente cinq mil liures par chacun an, & autres charges portées par ledit Bail, ainsi que plus au long le contiennent lesdites Lettres. Requête présentée à ladite Cour par Maistre Jacques Hassé propriétaire des Grefes des Desprix des vins de l'Election de Chasteau thierry, Tendante à ce qu'il luy pleust ordonner qu'il ne pourroit estre procedé à la verification dudit Bail qu'il n'eust esté payé & remboursé du principal par luy payé es coffres de sa Majesté, frais & loyaux couits, conformément aux Edicts de

creation & Arrests de ladite Cour. Autre Requête à elle présentée par les Officiers des Greffes des Despris, Courtiers, & Iaugeurs de vins de ce Royaume, signée le Maistre, & au dessous Oger, Anne Manotte, & Marie Claussieur, à ce qu'il pleust les recevoir, ^{opposant} l'enregistrement dudit Bail, commission ou arrest, & ordonner qu'ils en auroient communication pour en dire leurs moyens, & cependant faire defenses audit Brabant & autres de les troubler en la iouissance de leurs offices, à peine de tous despens, dommages & interests. Autre Requête à ladite Cour présentée par Anthoine Goset propriétaire des deux Offices de Clercs commissaires des caues ancien & nouveau en la Ville & Fauxbourgs de Senlis, & encor propriétaire de pareil office en la Ville & Fauxbourgs de Peronne, Tendante afin d'estre receu opposant à la verification dudit Bail, & en ce faisant qu'il luy pleust le maintenir en la iouissance desdits offices. Autre Requête présentée par les Commissaires & Controlleurs du Huietième de ceste Ville & Fauxbourgs de Paris, Tendante à ce qu'il pleust à ladite Cour leur donner acte à ce qu'ils s'opposent à la verification dudit Bail, pour ce qui les concerne, & y faisant droict, ordonner qu'ils seroient maintenus en l'exercice & fonction de leurs charges & offices, sans qu'ils en puissent estre deposez, suiuant & conformément à l'Arrest du deuxième Aoust mil six cens trente-vn. Autre Requête à icelle Cour présentée par Maistre Gabriel Pineau Fermier des Aydes de Blois, Vendosme & Baugency, & Bourg de Clery, Tendante à ce qu'il luy pleust donner acte de son opposition à la Verification dudit Bail, & y faisant droict, Ordonner qu'elle ne luy pourroit nuire ny preiudicier à la remise adiugée par Arrest de ladite Cour du 27. Ianuier dernier, Ledit arrest. Autre Requête à ladite Cour présentée par Ed-

me Blanchiffon Fermier general des Aydes des Elections du Mans, la Fleiche & autres, André Doyenné Fermier desdites Aydes des Elections de Laon & Guise, Maistre Iean Faultrier, & Iean de Fournillon leurs cautions, & Maistre Oger de Marcillacq caution de la Ferme des Aydes de la Generalité de Lionnois soubz-fermier dudit Brioy, à ce qu'il luy pleust les recevoir opposans à la verification dudit Bail, sans preiudice des Instances de diminutions qu'ils ont à l'encontre d'iceluy Brioy. Autre Requête de Maistre François le Grand, Estienne Rozerot, Iacques Lutrat & Hugues Beraut, opposans à la verification d'iceluy Bail, en ce qui concerne la clause qui donne la faculté audit Brioy de les faire compter, Tendante afin d'estre ouys sur ladite opposition. Autre Requête présentée à ladite Cour par Maistre Estienne Ballery associé pour vn quart en la ferme du Gros & Huictième de Paris, dix sols d'entrée, & autres de ladite Ville, à ce qu'il luy pleust luy donner acte de ce que de sa part il se tient audit article, & n'a entendu & n'entend s'opposer à la verification tant dudit Bail, que dudit article. Autre Requête dudit Brabant, à ce qu'il pleust debouter ledit le Grand & consors de leur opposition, du moins sur icelle les renvoyer par deuers sa Maiesté, n'ayans d'autres raisons que celles dudit Ballery, Et encores autre Requête à ladite Cour présentée par Maistre François Petit Receueur general & Payeur des rentes de la Ville de Paris, assignées sur les Aydes, Tendante à ce qu'il luy pleust luy donner acte de ce qu'il s'est opposé à la verification dudit Bail, à la condition apposée en iceluy, portant faculté au Fermier de rembourser lesdits Offices de Payeurs des rentes, ce qui luy auroit esté octroyé. Requête présentée à ladite Cour par iceluy Brabant, afin de verification dudit Bail. Conclusions du Procureur general du Roy : Et tout
confi-

consideré. LA COUR A ORDONNE & ordonne, Que
 lesdites Lettres en forme de Bail seront registrées au Greffe
 dicelle, Pour iouyr par ledit Brabant de l'effect y contenu,
 En ce faisant, ayant esgard aux Requestes, tant dudit Haslé,
 Manotte, Oger, Claussieur, qu'autres propriétaires des Greffes
 des Despris, Courtages & laugeurs, ORDONNE ladi-
 te Cour, qu'ils seront remboursez de la finance qu'ils ont
 actuellement mise aux coffres du Roy, icelle prealablement
 liquidée, conformément à l'Edict de suppression desdits Of-
 fices & Arrest de verification d'iceluy. SUR le quatrième
 article, que les Vendans vin payeront le droict de Cent sols
 pour muid de vin qu'ils vendront en assiette, & Quatre li-
 ures pour celuy qu'ils vendront en destail, & neantmoins s'ils
 vendent en destail du vin pendant le temps qu'ils vendent en
 assiette, payeront indifferemment à raison de Cent sols le
 muid. SUR le sixième, que lesdits Brioy, Ferry, Desma-
 rests & autres Fermiers, tant mediats qu'immediats, seront
 depossédez de leurs baux à commencer du premier iour d'A-
 uril prochain, Ayant esgard à la requeste desdits Blanchisson
 & consors, seront les desdommagemens & diminutions que
 pretendront lesdits Brioy, Ferry, & autres Fermiers &
 soubz fermiers faites en cognoissance de cause, demeurans
 neantmoins les Arrests cy deuant donnez pour lesdites dimi-
 nutions en leur force & vertu, pour estre executées selon leur
 forme & teneur, Et sur la requeste desdits le Grand, Rozerot,
 Lutrat & Betaut, & requeste dudit Brabant, Ordonne ladi-
 te Cour, qu'ils se pouruoiront par deuers le Roy, Et ce pen-
 dant surçoirra l'execution dudit article pour leur esgard, iuf-
 ques à ce qu'autrement parties ouyes en ait esté ordonné, &
 a donné acte audit Ballery de la declaration contenuë en sa
 requeste. Le septième aura lieu, à la charge que le Preuost

des Marchans & Escheuins de la Ville de Paris, & les Tresoriers de France, & autres Officiers ne pourront prendre aucune cour, cognoissance ny iurisdiction contentieuse du fait des Aydes, ains qu'elle appartiendra aux Esleus en premiere instance, & par appel à ladite Cour, priuatiuement à tous autres Iuges. Que le huietième aura lieu, à la charge que les Nobles & priuilegiez pourront vendre ou faire vendre le vin de leur creu, & iouyr du droict de ban vin, conformément aux Ordonnances, Arrests & Reglemens de la Cour. Sur le neuvième, que ledit Brabant sera tenu de payer entre les mains des Receueurs & Payeurs des rentes de quartier en quartier, & six sepmaines apres iceluy expiré, & à vn seul payement les deniers des rentes constituées sur les Aydes, tant anciennes que nouuelles, & à faute de ce faire pourront lesdits Receueurs decerner leurs contrainctes contre ledit Brabant, ses cautions & certificateurs, en la maniere accoustumée: Comme aussi sera le Roy tres-humblement supplié de laisser fonds pour le payement des quatre quartiers desdites rentes anciennes, & ayant esgard à l'opposition formée par ledit Petit Receueur & Payeur desdites rentes, ne pourra iceluy Petit ny ses compagnons d'office, estre contraincts par ledit Brabant à receuoir le remboursement de la finance du prix de leurs Offices, ains iouyront d'iceux, conformément à l'Edict de leur creation, Arrests & Reglemens de la Cour. Sur le dixième, que ledit Brabant ne pourra deposseder les propriétaires des Aydes alienées auparauant l'année mil six cens dix-neuf, qu'apres les auoir actuellement remboursez de la finance par eux payée aux coffres du Roy, frais & loyaux cousts, ou deuément fait à sçauoir, qu'il leur en veut payer la rente à raison du denier douze, conformément audit article. Sur le treizième, que les Clercs & Commissaires des Caues

qui n'ont esté iusques à present remboursez, ne pourront estre contraincts de receuoir leur remboursement, ains continueront l'exercice de leurs charges, si mieux n'ayme ledit Brabant leur payer leurs droicts, sans exercer lesdits offices, Que ledit Brabant, ses Commis, Associez ou Soubs fermiers ne pourront commettre ausdites charges de Clercs & Commissaires pour le Roy, au lieu & place de ceux qui auront esté remboursez, ains seront nommez par le Procureur general du Roy, ou ses Substituts, & receus par les Esleus en chacune Election, fors & excepté ceux de la Ville & Fauxbourgs de Paris, qui seront nommez par ledit Procureur general du Roy, & receus par la Cour. Les quinze & seizième auront lieu, à la charge que les Officiers auxquels appartient la cognoissance & iurisdiction des Aydes, ne pourront estre associez ou soubs-fermiers dudit Brabant, sur les peines portées par les Ordonnances. Sur le dix-huictième, que les differends qui interuiendront sur le fait des Aydes, seront iugées en premiere instance pardeuant les Esleus, & par appel en la Cour, conformement ausdites Ordonnances: Et que les Sentences desdits Esleus ne pourront estre executées par prouision au preiudice des appellations interietées d'icelles. Sur le dix-neufième, que ledit Brabant ne pourra se pourvoir ailleurs que pardeuant les Esleus, & par appel en la Cour pour l'execution de son Bail, sur les peines portées par les Ordonnances. Sur le vingt-vnième, que ledit Brabant ne pourra faire assigner ceux qui pretendent exemptiō des droicts d'aydes alienées, qu'en ladite Cour, n'y demander aucune euocation, sinon en cas de l'Ordonnance. Sur le vingt-troisième, que les diminutions qui seront faites audit Brabant, pour les cas mentionnez audit article, ne pourront alterer ou diminuer le fonds affecté au payement des rentes constituées

sur les Aydes. Sur le vingt-six, que les contraintes qui seront decernées par les Fermiers contre les redeuables desdits Aydes ne seront executées, qu'auprealable les Tauerniers ou Cabaretiers n'ayent signé sur le Registre desdits Commissaires des Caues, ou qu'ils ayent esté deuëment interpellés de ce faire, & icelles contraintes signées par l'un des Esleus, qui sera tenu de les expedier promptement, & sur la simple requeste desdits Fermiers, ou sur les procez verbaux des Commissaires, bien & deuëment faits, qui auront serment à Iustice. Sur le vingt-septième, que lesdits Clercs & Commissaires pour le Roy ne pourront estre depossédez, sinon en cas de maluerfation en cognoissance de cause, ny obliger de faire vn nouveau serment pendant le temps dudit Bail. Le trente-vnième article aura lieu, à la charge que dans deux mois ledit Brabant sera tenu de mettre & faire registrer, tant au Greffe de la Cour, que de l'Hostel de Ville de Paris, l'acte de reception de ses Cautions & Certificateurs, pour y auoir recours quand besoin sera. Et outre faict ladite Cour inhibitions & defenses audit Brabant de faire imprimer le present bail, sinon avec l'Arrest de verification, & ce par l'un des Imprimeurs du Roy, & non d'autres, à peine de deux cens liures parisis d'amende, conformément aux Lettres obtenues par lesdits Imprimeurs du Roy, verifiées en ladite Cour. **P R O N O N C E'** le vingt-vnième iour de Feurier mil six cens trente-deux.

Signé,

BOUCHER.

